

83. **Epidendrum myodes**: aff. *Epidendro fuscato* Sw. foliis cuneato ligulatis acuminatis, inflorescentia polyclada, usque intra folia descendente, ovariis pedicellatis demum scaberulo papillosis, sepalo summo cuneato oblongo obtuse acuto, tepalis linearispatulatis angustissimis, labello tripartito partitionibus lateralibus divaricatis subfalcatis denticulo adventitio superne basin versus, partitione media ligulata bifida, callis semiovatis crassis humilibus in basi.

Planta ultra sesquipedalis. Caulis teretiusculus fuisse videtur. Folia cuneato lineariligulata acuminata, quinque, sex usque pollices longa, medio pollicem lata. Pedunculus anceps ramulis nunc ramosis lateralibus, etiam foliis oppositis. Bractee semiovatae minutulae. Flores illis *Epidendri fuscati* Sw. minores plurimi.

„Blüthe gelbgrün oder gelb.“

Naranjo in Costa Rica. 3. 7. 1857. Turalba in Costa Rica. 23. 3. 1857.